



ՀԱՅԱՍՏԱՆԻ ԶԱՆԳՎԱԾՍՅԻՆ ԼՐԱՏՎՈՐԹՅԱՆ ՄԻԶՈՇՆԵՐԻ ԷԹԻԿԱՅԻ ԴԻՏՈՐԴ ՄԱՐՄԻՆ

Հայաստանի Հանրապետություն, 0002 Երևան, Ղազար Փարպեցի, 9բ
հեռ.՝ + 374 10 53 76 62, 53 35 41, 53 00 67, հեռապատճեն՝ + 374 10 53 56 61
Էլ.փոստ՝ meo@ypc.am

ԶԼՄ-ՆԵՐԻ ԷԹԻԿԱՅԻ ԴԻՏՈՐԴ ՄԱՐՄԻՆԻ

ՓՈՐՁԱԳԻՏԱԿԱՆ ԿԱՐԾԻՔԸ

Ընդդեմ «Չորրորդ իշխանություն» թերթի՝ ՀՀ ԱԺ
պատգամավոր Գևորգ Գորգիսյանի դատական հայցի
վերաբերյալ

(Ի լրումն նույն հայցի կապակցությամբ Տեղեկատվական
վեճերի խորհրդի կարծիքի)

Դիտորդ մարմնի կազմը

- Նարինե ԱՎԵՏԻՍՅԱՆ
- Շուշան ԴՈՅԴՈՅԱՆ
- Մեսրոպ ՀԱՐՈՒԹՅՈՒՆՅԱՆ
- Արա ՂԱԶԱՐՅԱՆ
- Գեղամ ՄԱՆՈՒԿՅԱՆ
- Աշոտ ՄԵԼԻՔՅԱՆ
- Մեսրոպ ՄՈՎՍԵՍՅԱՆ
- Գնել ՆԱԼԲԱՆՅԱՆ
- Բորիս ՆԱՎԱՍԱՐԴՅԱՆ
- Արա ՇԻՐԻՆՅԱՆ
- Նունե ՍԱՐԳՍՅԱՆ
- Անժելա ՍՏԵՓԱՆՅԱՆ
- Գեղամ ՎԱՐԴԱՆՅԱՆ
- Կարինե ՔԱԼԱՆԹԱՐՅԱՆ

Ա. ՓԱՍՏԵՐ

1. 2020թ. նոյեմբերի 2-ին ԶԼՄ-ների էթիկայի Դիտորդ մարմնին է
դիմել Տեղեկատվական վեճերի խորհուրդը՝ ուսումնասիրելու
վերջինիս 2020թ. հոկտեմբերի 30-ի [կարծիքը](#), որը կայացվել է
«Չորրորդ իշխանություն» թերթի դեմ ՀՀ Ազգային ժողովի
պատգամավոր Գևորգ Գորգիսյանի ներկայացրած դատական
հայցի կապակցությամբ: ՏՎԽ-ն առաջարկել է նաև քննարկել այն և
դրա վերաբերյալ ներկայացնել փորձագիտական կարծիք
լրագրողական էթիկայի տեսանկյունից:

2. 2020թ. թվականի փետրվարի 29-ին «Չորրորդ իշխանություն»
թերթի <https://4rd.am> կայքը հրապարակել է հետևյալ [հոդվածը](#) ՀՀ
ԱԺ պատգամավոր Գևորգ Գորգիսյանի մասին.

Գորգիսյանը կլինե՞ր ջերկիր

*Պաշտոնապես հայտարարում եմ՝ ովքեր մտաճող են, որ
ՈԶ-ի ճամբարում մեր լիցենզիայով հանձնաժողովի անդամ
է լինելու՝ պատրաստվում էին լցոնումներ իրականացնել
ընտրական տեղամասերում», - ասել է ԱԺ «Լուսավոր*

Հայաստան» խմբակցության քարտուղար Գևորգ Գորգիսյանը:

«ՉԲ». Հետո ասում են՝ Հայաստանում կորոնավիրուս չկա: Մարդը բացահայտ ցույց է տալիս, որ խնդիրներ ունի, բայց քանի որ «ընդդիմադիր» է՝ Թորոսյանը չի ցանկանում նրան հոսպիտալացնել: Գորգիսյանի դեպքում կարելի է նաև պնդել, որ դիմակները չեն օգնում վիրուսից պաշտպանվել. չէ՞ որ նա առաջին իսկ վտանգի դեպքում մշտապես դիմում է թաշկինակի օգնությանը և փակում քիթն ու բերանը: Գորգիսյանի մոտ կարծես արդեն բարի ավանդույթ է ձևավորվել՝ ցանկացած լուրջ գործընթացի նախաշեմին նա անում է մի գործողություն կամ արտահայտում մի միտք, որը դառնում է այդ գործընթացի անքակտելի մասը: Եվ քանի որ ԼՀԿ-ն հիմա մտել է մարտը, և մանյովրի դաշտը փոքրացել է, հերոսի ազգանունով պատգամավորը որոշեց սահմանադրական փոփոխությունների գործընթացի մեջ իր անունը մտցնել նման անհեթեթ մտքերով: Պաշտոնապես հայտարարում ենք՝ եթե Միքայել Մինասյանը չստեղծեր «Լուսավոր Հայաստանը» և չլիներ Գևորգի ազգանվան առավելությունը, ապա նա հաստատ կլիներ ջեբկիր»»:

ԱԺ պատգամավորը համարել է, որ լրատվամիջոցը անվանարկել է իրեն հոդվածի վերջին նախադասությամբ, դիմել է դատարան:

3. ՏՎԽ-ն նախաձեռնել է քննարկել այս դատական նախադեպը:

4. Լրատվամիջոցը հանդես է եկել մեկ ուրիշ հոդվածով, որում պարզաբանել է, որ «ջեբկիր» անվանելով՝ նպատակ է ունեցել «ծաղրել» պատգամավորին ավելի վաղ կատարած հրապարակային մի հայտարարության համար:

5. Գործի դատական քննությունը դեռևս ընթացքի մեջ է:

6. Մինչ այդ ՏՎԽ-ն եզրակացրել է, որ լրատվամիջոցը տեղեկություններ ու գաղափարներ տարածելու իր իրավունքն իրացրել է համաչափորեն և իրավաչափորեն:

Բ. ԷԹԻՎԱԿԱՆ ՆՈՐՄԵՐ

I. Հայաստանի լրատվամիջոցների և լրագրողների Էթիկական սկզբունքների կանոնագիր

1. Ճշգրտություն և անկողմնակալություն

1.3. հստակ սահմանազատել փաստերի և տեղեկությունների շարադրանքը՝ կարծիքներից, վերլուծություններից և

մեկնաբանություններից,

1.4. վերլուծություններ և մեկնաբանություններ կատարելիս հիմնվել ստույգ փաստերի և հավաստի տեղեկությունների վրա:

Գ. ՓՈՐՁԱԳԻՏԱԿԱՆ ԿԱՐԾԻՔ

ԶԼՄ-ների էթիկայի Դիտորդ մարմինը՝

քննարկելով

«Չորրորդ իշխանություն» թերթի դեմ ՀՀ Ազգային ժողովի պատգամավոր Գևորգ Գորգիսյանի ներկայացրած դատական հայցի կապակցությամբ Տեղեկատվական վեճերի խորհրդի դիմումը և համապատասխան կարծիքը,

ընդունելով հանդերձ, որ

քաղաքական գործչի հասցեին արվել է սուր երգիծական արտահայտություն,

ընդձեռնելով, որ

երգիծական մեկնաբանությունները և կարծիքները, հատկապես քաղաքական գործիչների պարագայում կարող են լինել նույնիսկ սադրող,

արձանագրում է.

1. տվյալ արտահայտությունը խմբագրությունն օգտագործել է մի հրապարակման մեջ, որը զետեղել է «Սատիրիկոն» խորագրի ներքո՝ ժանրային առումով հստակ դիրքավորելով խնդրո առարկա հրապարակումը որպես երգիծական, կիրառելով պամֆլետի ժանրին բնորոշ հնարք, դրանով իսկ ազնիվ պահվածք դրսևորելով սեփական ընթերցողի առջև,

2. բացակայում է նաև շփոթությունը լուրի և մեկնաբանության միջև, քանի որ խմբագրությունը հրապարակման մեջ հստակորեն տարանջատել է դրանք:

ՔԱՆԻ ՈՐ «Չորրորդ իշխանությունը» ինքնակարգավորման նախաձեռնության անդամ չէ և պարտավոր չէ հրապարակել սույն փորձագիտական կարծիքը, ԶԼՄ-ների Դիտորդ մարմինն, այնուամենայնիվ, կոչ է անում հրապարակել այն, ինչը կարող է նպաստել ներկայումս հաճախ հանդիպող համանման վեճերի կանխմանը:

*Ընդունվել է 2020թ. նոյեմբերի 17-ին,
ԶԼՄ-ների էթիկայի Դիտորդ մարմնի հետևյալ կազմով՝*

Շուշան ԴՈՅԴՈՅԱՆ, Ինֆորմացիայի ազատության կենտրոնի
նախագահ

Մեսրոպ ՀԱՐՈՒԹՅՈՒՆՅԱՆ, մամուլի փորձագետ

Աշոտ ՄԵԼԻՔՅԱՆ, Խոսքի ազատության պաշտպանության
կոմիտեի նախագահ

Գնել ՆԱԼԲԱՆԴՅԱՆ, «Արմենիա» հեռուստաընկերության «Ժամը»

լրատվական հաղորդման գլխավոր խմբագիր,

«Newmag» ամսագրի գլխավոր խմբագիր

Բորիս ՆԱՎԱՍԱՐԴՅԱՆ, Երևանի մամուլի ակումբի նախագահ

Նունե ՍԱՐԳՍՅԱՆ, Մեդիա նախաձեռնությունների կենտրոնի

գործադիր տնօրեն

Անժելա ՍՏԵՓԱՆՅԱՆ, Արմավիրի «Ալտ» հեռուստաընկերության

խմբագիր

Գեղամ ՎԱՐԴԱՆՅԱՆ, Media.am-ի պրոդյուսեր

*ԶԼՄ-ների էթիկայի Դիտորդ մարմինը ձևավորվել է
ինքնակարգավորման նախաձեռնությանը միացած լրատվամիջոցների
կողմից, որոնք այս պահին թվով 60-ն են: ԴՄ-ն իր
եզրակացություններում ղեկավարվում է Հայաստանի
լրատվամիջոցների և լրագրողների էթիկական սկզբունքների
Կանոնագրով, որն ընդունվել է 2007 թվականի մարտի 10-ին,
վերախմբագրվել ինքնակարգավորման նախաձեռնությանը միացած
լրատվամիջոցների 2015 թվականի մայիսի 16-ի ընդհանուր ժողովում:*